

مستطابق

در سعادته باب عالی جاده سنده
اداره مخصوصه
محل اداره :

مستطابق :
مستطابق موافق آثار جدید مع المنوین
قبول اولنور
درج ابدلین آثار اعاده اولنور

دین، فلسفه، ادبیات، حقوق و علوم دین باحث هفته لاق رساله در

مؤسسه : ابوالعلا زین العابدین - ح . اشرف ادیب

درسه دنده	سنه لکی	القی آیفی
ولا پاتده	۶۰	۳۰
مملک اجنبیه ده	۸۰	۴۰
	۸۰	۴۰

تاریخ تأسیسی :
۱۱ خور ۳۲۴

در سعادته نسخه سی ۵۰ پاره در

قبیله دن مقوا بورو ابله کوند ریلر سه سنوی
۲۰ فروش فضله آلنیر

در سعادته پوسته ابله کوند ریلر سه ولا یات بدلی اخذ اولنور

عدد : ۲۹

۱۸ صفر ۳۲۷ پنجشنبه ۲۶ شباط ۳۲۴

ایکنجی جلد

بر صورتی تشخص و تصور ایدرک صوکر الی خیالخانه سنده فالان و نقوشه
ظاهرده بر شکل و یرمک استدی . بر طاقم تمایل و اصنام میدانه
کثیره رک معبدلری ، هیکلری بونلره طولیدردی . کندیسنی بونلره
هدیهلر عرض ایتک ، قربانلر کسمک ، شرفلرینه شنلکار ، جمعیتلر
یایمق کی تکالیف ایله مکلف طوتدی . کیده کیده ادراک و تصویری
ایرله ده که معبود مخیل ده ترقی ایتکه باشلایه رق نهایت آلهلر اسکی
رومالیلرک ، اسکی یونانیلرک میدانه کتیرمش اولدقلری طرزده
برطور جمیل ایله ، برصنعت دقیق ایله تجسیم اولندی . بر دور خیال ،
بر دور تعقل اولان بودورده جناب حق انسانلری کندی آرزولریله
قوشولمش اولدقلری ضلال بویوندور و غندن قورتارمق ایچون لوث
ظنون و خرافاتدن عاری بر دین خالص ایله صورت متوالیده انبیای
گرام کونده ریددی . لکن بونلردن آنحق قبلری نور رشادی قبوله
مستعد اولانلری هدیاتیاب اولدیلرکه بوسعادتمندان بشرده حالت
طفولیتده کی امتلرده نسبتله پک آزدر .

انسان هر زمان ، هر یرده دیاتنه ، معتقداتنه قارشی شدت شوق
و اعتصام ایله طامشدر . دینی ، اولومی حقیر کورن بر قهرمان کی
مدافعه ایدر ؛ اونک انتقامی ، ناموسنه طوقونلمش ، بر مظلوم
صولتیه آلیر ؛ اعتقادینی تصحیحه چالیشانلره ایراث ضرردن اصلا
کری طورماز . حتی بواوغورده بیکلرجه پیغمبرلر ، بیکلرجه حکیملر
هلاک ایدلمش ؛ همده بیچاره لک بو صورتله محوی اباطیله قارشی دین
حقه نصرت اولمق اوزره تلقی اولمشدر .

ایشته اره لرنده کی عقلایه رعما انسانلر هپ بومنوال اوزره دوام
ایتدیلر . نهایت جناب حق طرفدن بشری ، بونوع ضعیفی ایقاظ
ایچون ابداع اولنان عوامل و مؤثرات سایه سنده آرتق فیائی قلوبده
ینابیع حکمت فوران ایتکه باشلادی ، بشرک احتساستی رقت پیدا
ایلدی . صنبرستلک ادراکاته کران کلیر اولدی . بونک بر محصول
خیال ، بر ثمره ضلال اولدینی تحقق ایتدی . بتون کائنات ایچون یکانه
بر خالق تصور اولنه رق اوکا قوای مدرکه نک مساعدده سی دائره سنده
اوصاف و خصائص اسناد ایدلدی . [*]

دینک بوترقی تدریجیسی کالیله هند برهنلرنده حتی بر عائله
افرادنده بیله مشاهده اولنه بیلور . ماقس موللر کتابنده برهنلرک
حریت اعتقاد خصوصنده واصل اولدقلری مرتبه نی سویلرکن
دیورکه : « بونلر هرکمی کندی حالنه بر اقیلر ، او ، عقلیله کیمی
معبود اتحادینه لایق کوریر ایسه اوکا عبادت ایدر . حتی بعضاً عائله
رئیس بولن ان بر پیر توحید و تنزیه بارینک غایه سینه وارمشکن یانی
باشنده کی اوغلنک اصنامه قربان کسیدی . دهالوته ده او بر اوغلنک مختلف
بر طاقم الهلرک مذاقنی مصور اشعار ترنم ایتدیکی کوریلور . هم او
اختیار بو حالدن هیچ متأثر اولماز ؛ وارسونلر عقیده خالص توحیدی
[*] بز بوراده بتون بشرینی مراد ایتبورز . الک مترق ملتری قصد
ایدیورز . چونکه هر عصرده ، بتون ترقیت انسانیه فی نفسنده تمثیل ایدن بر
قرم موجوددر .

دیمکدر . بر قاجی مستثنا اولدقلن صکره موجود خطانک هانکیسی
لسان عربله خطابت ایتدارینی جائزدر ؛ هانکیسنده اوسلیقه ، اوملکه
وارددر ؛ بومعناجه هپنی عاجز و هپسنه کندی لسانلریله خطابت جائزدر .
فرض ایده لمکه امامین حضراتنک « عجز » دن مقصدلری قرائندن عجز
اولسون . خطبای حاضره نک بعضلری عربجه هپج ملکه سی
اولمادیغندن نفس خطبه نی یعنی ذکر الهی افساد ایتبورلر سده چوق
کره بیوک چاملر دویر برجه سینه یا کلشدر تکرله یورلر .

موسیقیه تعلق ایدن تغیلرک ، قرارلرک یرلی یرینه کلسندن
بشقه برجه تی نظر مطالعه یه آلمایورلر و آلمق اقتدارینی جائز دکلردر .
بر مثال عرض ایده م : (ای ناس بیلکیز که بو آی محرم آی در)
معناسنه اولان (ایها الناس اعلموا ان شهرکم هذا شهر الله المحرم الحرام)
عباره سنی اوقورکن بویوک بر نکته ، دهشتلی بر سیاست ، عظمتلی بر
راه رشادت عرض ایدیلورم کی طورلر عرض اولیور . فقط
(المحرم) کله سنی کسر ایله لفظه الله صفت اولمق صورتیه اوقویهرق
بیوک بر چام دوریلور . بو حاللر خطبه نک قرائندن عجز دیمکدر .
ارتق بویکیلر ایچون امامین حضراتی نزدلرنده دخی کندی لسانلریله
قراات ایتلری تجویز اولنه جنی قطعاً شبهه کورتورمن صانیرم .

اسکوب بلده رئیس سابقی

محمد فرید

حدیث فکر

دوره ثانی

دور فلسفه

یوقاریکی فصلده اثبات ایتش ایدک که بشر دور اولده ایمان ایله
مفطور اولدیغندن شکوک و شبهاتک اصلا محکومی دکلدی . ذاتاً انسان
نصل اولورده کندی ذاتنده حس ایلدیکی بر شینه قارشی شبهه دوشر ؛
با خصوص که بو حس ایچون کندنده برده سائق فطری وارددر ؛ لکن
وقتکه خصیصه تعقل و تفکر انسانی میدان طبیعتی جولان ایدرک
اونک ماهیتی حقنده ، کندیسنک موهوب اولدینی قوه میزه نسبتنده ،
حکملر و یرمکه سوق ایتدی ؛ هرشیدن اول کندی عبودیت و خضوعنک
موضوعنی آراشدیرمه یه قالدیشهرق ایشی بو کائنات حیرت افزاده
متصرف مطلق اولان ذات کبریائی ادراکه چالیشمق درجه لرینه قدر
واردیردی . ظواهر اشیایه قایلوب بواطنه سوق فکر ایده مین ،
آرایش اعراض ایله اویالانوب جوهره نفوذ ایلیه مین چوجقلرک
جولاتنی اکدیرر بر جولان ایله بومبحث عظیمده طولاشمایه
باشلادی . حالبوکه طاغلرده ، مغاره لرده یشایان بر عقل بسیط صاحبنک
ادراکی نه قدر اوله بیلیر ؟

طبیعی معبودینی کندی حواسنک ، کندی خصائصنک اقتضا ایلدیکی

کنیدلکریدن ، کندی عقاربینک دلالیه بولسونلر ، ملاخطه سنده بولنور .

بودورده اصول عقائد حقنده مجادله ، مناقشه چوغالدى . ناسک ادراکجه تفاوتی ، تصورلرده کی درجاتک تبائی مذاهب آراسنده کی مسافه بی بستیون آیردی . هر فرقه جناب حقه اسناد ایتش اولدینی صفاتک حقیقتی بولمق ایچون اعمال فکره ، اتعاب ذهنه قویولدی . خصمئک اقوالی ، عقائدینی براهین ایله ابطال ایتمی کنیدینه ایش کوج ایتدی . آرتق کتب عقائد نزاع لفظیدن ، مناقشه اصطلاحاتدن عبارت قالدی . بر صورتده بولنری مطالعه ایدنلر بوفرقلر آراسنده کی شقاقک وفاقه تبدل ایدمکنه قطباً احتمال ویره مزلر .

ذاتاً اصل الاصوله ، حقیقه الحقائقه حکم ایچون یالکزر کندی عقلرینی سند اتخاذ ایدن جمعیات متخالفه آراسنده وفاقک حصولی نصل تصور اولنه بیلیر ؟ طبعیدرکه بشرک افکار وعقولی آراسنده کی تفاوت نه نسبتده ایسه بواختلاف دخی اونستبده مستحکم اولور . مخالفین میاننده کی منافرتده او قوتله اجرای حاکیته ایدر . بتون معقولات رد وقبوله مساعد اولدینی حالده آلهیاتده اتخاذ اولنان طریق تعقلی قابل اولیان بر طاقم فرضیاتی تصورله بالآخره رد وجرحه چالشمقدن عبارت قالدیغندن شکوک وشبهات بودورک الالباشلی میزاتندن اولدی . بوندن طولانی بعض کسکین فکرلر افراط ، تفريط وادیلرینه صابهرق مشکک کسومه سنه برونیدیلر . خالقک افکارینی زهرلیدیلر .

اکثر اقوامده بر طاقم آدملر ظهور ایتدی که عادتلری صرف اوهام اوزرینه بر آلائی واهی نظریات بنا ایدرک باند آواز ایله صانع مطلق افکاره منحصر ایتدی . ذاتاً مسئله نیک آله بیایدیکه تشنت ایلدیکی برزمانده که الزام خصم ایچون اک شدتلی لسان قوللانا ناطقه پردازلر عالم طانیلمه یه ، اولانجه علمده منطقک دائرة محاکمه دوشمکدن احترازاً غایت دقیق تعبیرلر ، افاده لر اختراع ایتمکدن عبارت بیلمه یه باشلامشدی . بویله آدملرک میدان آلمنه نه مانع تصور اولنه بیلیر ؟

اورتده جدل عقلیدن بشقه بر شینک حکم ونفوذی اولمازسه سرد نظریات خصوصنده هر درلو افراط وتفریطه هیچ بر حائل اولمه ماز . ایشته بورادن بر طاقم نظریات الحادیه ظهور ایتدی . فلاسفه دن بهضییسه بونره تمایل ایتدی . آرتق بونظریه لر طرفدار اولانلرله معتقدلر آراسنده بر مجادله قلمیه در قویدی که بالآخره انتقال ایلدیکی قانلی محاربه لرک بوراده تفصیله صددک مساعدیه سی یوقدر .

اولکیلر غایت دقیق شبهلر ایجادنده تقنین ایتدیلر ، عبارات جدلیه تألیفنده صاحب مهارت اولدیلر . ارکن عقائدی کوکندن دویرمه یه ، بنای دیاتی شکوک وشبهات فورطنه لرله صاورمیه باشلادیلر . دیگر طرفدن معتقدلرده خصم لرینک مفتریاتی رد ایتمک ، نظریه لرینی چورومتک ایچون همدست وفاق اولدیلر . چوق کچمندن آرتق فرق مذهبه یوزلرجه صاییلر اولدی . همد بوفرقلر نه بر اصلده متحد ، نه ده بر فرعه هم فکر دکل ایدیلر .

بعض اقوامده دین طرفدارلری رجال حکومت اوزرنده اولان نفوذلرینه طیانیدیلر . مباحثات ایله ، سرد براهین ایله اقناع ایدمک لری خصم لرینی قوت استعمالیه زبون ایدمک لری زعمه قابیلوب مسائل اعتقادیده عقه مراجعتک ممنوعیتی اعلان ایتدیلر . مخالفلری اوقدر آغیر اشکنجه لر آلتیده ازدیلرکه انسان نفرت ایدر . صوکره بوقانونی تنفیذ ایچون اله بیلدیکه یورودیلر . ارباب نفوذ و اقتداری کنیدلرینه معین بولیدیلر . لکن بیله مدیلرکه عقوبتک ، مجازاتک شدتی احکام طبیعت قارشی مقاومت ایدمزر . بواجبارات بشریت ایچون مقدر اولان سیری ، استقبالی چوپیره مزر ؛ بالعکس اونلر بوشدتلرله ازاله ایتمک ایسته دک لری خسته لنی بستیون ناقابل مداوات برحاله کتیریورلر ، زیر انقیاده آلمق قیدینه دوشدک لری نفوسک سرکشلکینی اتریبیورلر . فی الحقیقه کورلدی که طرفداران دین بوصورتله خصم لرندن تشفی غیظده اخذ انتقامده ایلری کیتدکجه الحادک بیلکی قوتلندی . آلولی براوقدر ده پازلادی . نهایت افراد آراسنده براختلال فکری پیدا اولدی که بونی تعقیب ایدن اختلال فعلی حال عالمی بستیون دیکشیدردی . عقلی قیود اولیه سندن قورتاردی . علمک ، فکرک اوکنده قوجه بر میدان حریت کشاد ایتدی . ایشته اوزمان افکارده مضمر اولان اسرار آرتق مکتوم طوتولمیه لزوم کورلمدی . آشکار اولدی .

صوکره حزب منصور احرار خصم مغلوبه قارشی اولیه براویون اوینادی که حریت علمیه صحه لری اوزرنده تشیر اولنان او یونلرک اک مدهشیدر . هله فلسفه حسیه نیک ظهوری بویانغین ایچون برکوروک مقامه کجی . آرتق چوقلری عننده دیانت ، اعتقاد دورلرینک کجیدیکی ، برقچ بطن مرورینه قالمق سزین آثار دینک کلیاً محاوله جفی محققادن عد اولمیه باشلادی . ایشته حریت علمیه دورنده بوکی برچوق وقایع حادث اولدی که بزسوزیمزی اکمال ایچون دوام ایدمکجه .

محمد فرید وجدی

ترجمی :

محمد عاکف



مادیون

مادیون؛ کاشانده کی اعمال عاقله وغیر عاقله بی منحصرأ ماده وقوته نسبت ایدن بر صنف طبعیون حکما در که عندلرنده افعال حیاتیه وظواهر عقلیه ونفسیه ماده وقوتدن منبعث اعمال مادیه نتیجه سی اولوب اعمال جادیه دن فرقی یوقدر دیرلر واعمال عقلیه بی مسائل ریاضیه ایله حله چالشمه رق فعل کیوی نتیجه سی اولان حرارت و الکتریقه بالتشبییه حیات ایله قوای طبیعیه بیسنده بفرق اولمیدنه قائلدرلر . حیوان و نباتک نمونی ملحک صو دروننده اریبه رک تبیلر وتیمو ایلمسی قیلندن عدا یله قوه حافظه وادراک وسائر قوای عاقله بی ظواهر قوای طبیعیه جهلسندن ماده وقوتک اثر فعالیت دیه تلقی